



هند سعيد الدين

أجهل ما وهبني الرحمن

كانت روحها خلاص انطفت وقلبها بطل انه يدق ويشوف ان لسه فس اى حاجه تمام والدنيا بقت عباره عن غابه وفقدت ثقتها في كل الي حواليتها من كتر الي شافته او الي عاشته في كام شهر من احدث كلها تهد جبال مش بس تقتل فيها روحها الطيبه الي كانت فعلا طفله وعلى فطرتها ده بسبب الي حصل هي بقت انشف واقوى من اى حد وده صدم الي يعرفوها وخلاهم وخلاهم يخافوا منها اووووى واولهم الي كان مرتبط بيها عرف واتاكد انها مش نفس البنت الضعيفه الي علي نياتها والى كلمه توديتها وكلمه تجيبها والى شكلها علي حسب دماغه ورغباته وراحته

ده فجئه بقى بيخاف منها ولما جات وقالتله علاقتنا انتهت عرف ان ده مش مجرد كلام زى كل مره لا المرادى كانت مختلفه وكانت حقيقه وشاف بنفسه انها لما بعدت عنه مانكسرتش زى ماتوقع ولا حتى رجعت تكلمه لا على العكس ده فى غيابه هي قويت اووووى ونجحت وطلعت بسرعه الصاروخ سواء فى شغلها او دراستها او حتى الاهم حالتها

النفسيه الى بقت افضل مليون مره من وجوده واخذت اول خطوه حقيقيه فى تحقيق حلم حياتها وهو كتابها الي فضلت تتمنى سنين وتسعى لتحقيقه سنين من غير اى تطور فى شئ لكن المرادى حصل واتحقق الحلم الى اتمنته وخلة الي يعرفها ومايعرفهاش يكون فخور بيها وبنجاها والنهارده حصل كل ده ايوه حصل انا النهارده ماسكه كتابى ونجح زى ما اتمنيت وحلمت والفضل بعد ربنا يرجع لانسان ربنا صالح بيه دنيتى وصالحنى عليها بيه

النهارده انا بقولك شكرا من كل قلبى وروحي انى عرفتك وقابلتك وحقيقى بيك عرفت كل حاجه لما بتيجى فى وقتها بتكون حلوه اوووى وان كل تاخيريه فيها خير ما حدش يعرفه وانت كنت الخير الى ربنا رزقنى بيه ؛ انت رجعتلى ثقتى فى نفسى— من تانى وبجد جيت انت وحطتني على اول اليلم وفضلت تزق فيها وتسندنى وماتخلنيش اقع وفضلت تشجع فيا وتخلينى اركز فى دراستى واتفوق فيا وكمان ادتنى الثقه فى نفسى وقدراتى وماسبتنيش اقع ووقفت جمبى من غير ما قولك او تحسنى انك بتعمل كده علشان اى سبب غير انك فعلا اتمنتلى من كل قلبك انى اكون افضل منك ومن كل قلبك ما اتمنتليش غير الخير

اظن كده جه الوقت الي اجى اقولك فيه انا بحبك بحبك من
كل قلبى بس انت اكيد حاسس بده من غير ما اقولك لكن الي
انت مكنتش تعرفه هو ده حصل امتى وازاى وفين

اقولك انا بصراحه مش عارفه بس المهم انا بعشقتك

سر بقى بينى وبينك لو انت مسكت الرساله دى وقرائتها انت
اجمل صدفه حصلت وهتحصل فى حياتى وعمرى انت
الخطفه الي حصلتلى وسرقت روى قبل قلبى وانا مبسوطه
بسببك وبسبب وجودك فى حياتى انت الحب الي بيتقال عليه
بيجى فى العمر مره واحده وانت وحظك ونصيبك فيه ياتعرفه
وتقدر تعيشه ياتضيعه وترجع تندم عليه عمرك كله وانا
مستحيل اسيبك او اديك الفرصه انك تضيع من بين ايديا
ومستحيل اخلي عيونك تعرف معنى الحزن

انا بقى عرفت منك انك حبتنى من اول نظره جات فيها عينك
فى عيني بس الكلام ده كان بعد فتره من معرفتها وتعاملنا مع
بعض لكن انا حبيتك من اول مره عيني شافتك فيها اصلا
لقيت عينك خطفتنى من نفسى وحلتنى مش فاهمه ده حصل
ازاى كل الي حسيته وقتها ان كل حاجه فيا وفكيانى عيزاك
وعشقاك وكل ما فيك بيوحىلى بعشق وسعاده منك

مايتوصفوش باى كلام انت نستنى وحش الدنيا ومعاك
ماشوفتش غير حلاوتها

طبعا انت مش عارف انت بتقرا كل الكلام ده ليه وليه انا
ماقولتلكش ده ولا مره لانه بمنتهى البساطه انا ماعرفتس
اوصفلك احساسى بيك بالكلام وكمان حبيت انك يوم
ماتشوف تحقيق حلمى بعينيك كمان تشوف وتعرف ماشعرى
زى ما انت حاسسها وكان نفسك معرفها انا عرفتها لك
بالطريقه الوحيده المهمه فى حياتى والى حد ما بعرف انى
اعملها لكن معاك بصراحه انا بعطل وبتبرجل فيها من كتر
السعاده الى انت معيشها الى معاك

النهارده انا حققت الوعد الى وعدتهولك وقبل الوقت كمان
وكنت قد ثققت ونظرتك فيا يوم ماقولتلى انك متأكد انى حاجه
كبيره وهحقق حاجه مهمه جدا هتخليك فخور بيا فيها

فاكر اول مره كنت فيها فى حضنك حسيت انا بايه وانت
حسيت بايه فاكر السعاده فاكر نظرتى ليك ونظرتك ليا

انا فاكره كل ده بالتفصيل واخذت ثققتك فيا تحدى لازم انجح
فيه علشان انت تستحق تكون مبسوط وسعيد

انت النهارده معاك اول نسخه من الكتاب ومعاك اهم حلم ليا
واهم حاجه فى حياتى معاك كتابى ومعاه معاك روحى ومشاعرى
وانا فضلت واقفه على السلم الى حطتى عليه ما وقعتس ولا
نزلت درجه واحده انا فضلت اطلع واطلع لحد ما وصلت
للتفوق فى دراستى وشغلى ومش محتاجه اقولك كمان لكتابى
لانك ماسكه فى ايدك وبقي بفضلك شئ ملموس مش مجرد
حلم فى علم الغيب

الى خلانى اعمل كل ده بعد ثقتك فىا كان تقبلك لعيوبى قبل
مميزاتي كان انك شايف فىا حد كبير ومهم مش صغير وتافهه

كل الاعترافات دى حقيقيه مش مجرد كلام وخلاص بقوله
علشان اى هدف لا كل ده طالع لوحده من جوه قلبى انا
ماتخيلتش انه ممكن يكون جوايا اصلا

علشان البنت لما فعلا بتتحب بجد بتنور وروحها بتبان
سعادتها ويبيان عليها انها بتحب وبتتحب وكمان لما بتتحضن
من حضن حنين ودافى بتحس انها ملكت الدنيا والى فيها وانه
مافيش اى حد عايش ربع سعادتها وانت حضنك كان حنين
اووووووووى واحتوانى وكان دافى حسيته انه على قدى
ومعمول ليا ومتفصل علشانى انا وبس ومايسعش اى حد تانى

لانه اصلا مش بتاع اى حد تانى غيرى انا وبس وبكل الانانيه الي
فى الدنيا مش مسمو حلك تبعد او تمشى

ومش مسمو ح لاي حد انه يشوف لمعه عينيك غيرى ولا ان
اى حد اصلا يخلي عينك تلمع ليه غيرى

انا شوفت فرحتك وانت معايا وانا جوه حضنك وانت جوه
حضنى

شوفت خوفك عليا وحسيته اوووى ومكنش فيه اى حاجه
مش حقيقه لا بالعكس كل حاجه كانت بتثبت صدقك فى كل
شئ معايا انت خلتنى انور من الفرحة والسعاده حطتنى قبل
منك فى كل شئ واتمنيت من كل قلبك انك تشوفنى انجح
واقوى واهم من اى حد واى حاجه

نستنى كسرة قلبى وروحى من قبلك عرفتنى انك الى فات قبلك
انه ماكنش موجود اصلا

انت خليت روحى بترقص من السعاده وعينى دايمنا منوره

نصيحه منى لاي حد هيمسك الكتاب ده ان لقيت حد
بيخطفك تبت فيه وحافظ عليه وان لقيت عينك بتلمع مع
حد وعينه بتلمع معاك وكمان مفضوحه مشاعركم مهما

حاولتوا تداروها تبتوا في بعض اوووووى علشان الاحساس ده
اجمل احساس ممكن تحسوه وتعشوه في عمركم كله

الي يسعدك امسك فيه واكبر بيه ومعاه ؛ الي يسعدك يستحق
انك تتغير للاحسن علشانه الي يسعدك يستحق انك تقوله
"انت اجمل ما وهبني الرحمن "

انت الحب والهنا والسعاده انت مشاعرك صافيه وروحك
بريئه وقلبك حنين ؛ بدعيلك من كل قلبى الهنا يجيك والحب
يفضل معاك والدنيا تفضل تسعدك وتديك على قد حنيتك
وجمال قلبك

بلاش انت او انتى او اى حد هيقرأ الكلام ده تسمعوا الكلام بتاع
خد الي يحبك او الي على قد ظروفك او الي راضى بعيوبك
صدقونى كل الكلام ده بيستنزف من روحكم وهيخليكم ناس
تعيسه جدا ومع مرور الوق هيخليكم لاحول ليكم ولا قوه

عيشوا افرحوا غنوا ارقصوا اتجننوا وسافروا وسيبكم من اى
حزن وهم وامسحوا الناس الي بتحبطكم او بتسرق من
سعادتكم وخليكو على يقين الي هيحبم وتحبه هيسعدك
وهتنوروا مع بعض والدنيا هتكون مش سيعاكم من السعاده

وتأكدوا الحلو برضه لسه مجاش وخليكوا طماعين فى السعاده
وماتسبوش ولا تاجلوا اى لحظه ممكن تكونوا مبسوطين فيها

احلام مستغانمى بتقول حاجه من ديوان ليها

لن ترتاح سيدى ولا نحن سنرتاح

اجمل القبل

تلك التى لم نسرقتها بعد

اجمل النساء

تلك التى لم نصادفها بعد

اتعس اللحظات

تلك التى نعتقد بعدها اننا ارتحنا

محكوم علينا بالحلم المؤبد

ستهزمننا تلك الشفاه التى لم نقبلها

والعيون التى لم نقابلها

والاحضان التى لن نرتاح فيها
والمواعيد التى لن نذهب إليها
وارقام الهاتف التى لن نطلبها